

„Крокодил“ газет ЭлстД

Элст балгъсна комсомолин „Гиигн кавалерин“ штабин „Крокодил“ нертә шүвтрлдг газет эклдж гарад дөрвн сар болв.

Эн газет олгдг газрт кезә чигн олн улс цуглрсн, терүнә зургуд хәләлдәд, дорнь бичсн үгмүд умшлддж соньм-сцхана. Болв багъчудин эн газетиг кун болгън таасхш. Кесгднь сән гидгәр тер зургудас уха авх кергтә.

„Крокодил“ сүүлин номерт нег әнъг—тосхлтин 2-ч управленъд нерәдв. Тернь, управленә начальник ұр Семибратов, тосхлтин кунд кәдлмшт маши олзлдж гиигрүлх төрт оньган эс өгсн, багъчудт бәәдг гермүдинь, бәәдл-джиргълинь эс ясснд нерәдгдв.

Балгъсн шидр бәәсн Сталинә нертә колхозин ахлач ұр Сафоновд ухалх керг бас бәәхинь заав. Үвл хол биш. Хар газрт үвлзх 37 минъгън хөөдт 5600 тонн өвсн кергтәд, 1800 тонн белдгддж.

Связистирин общежитин хаша-хаалгъ (начальникнь ұр Ромасев) зүсн-зүүл төмр-ки-зәрәр бузрдлдж дүүрсн, балгъсна больницин ах медсестра ұр Аулова детясльд ирәд келх-келшго үг келәд азлсн, типографин директор ұр Степанов, умшачнр мана танъгъчин

газетмүд цаглагъан эс авдгт оньган эс өгснд „Крокодил“ бас үгән күргв.

„Крокодил“ болхла бийиннь занъ-бәәдләрн мана обществ гутадгудин халжугъар гарл уга Западн Европин кев-янз дурахларн терүнәс кишвә муугинь авч, эврәннь сәәгъән күүвә гәәгъәс солдж, дүр-дүрсн уга биигъинь дуралддж, „хүвдән гундсн болсн“ дүрс зүүдг тоотинь шүвтрлдж заав. „Ургъцд харш өвсиг тәрәнәс уга кехмн“,—гисн гиигн кавалеристирин дуудвр, тиим, мана обществд күүнәшсн, эвго улст нерәдгдджәнә.

Номер болгънд әркнч, әлә-альвн улед бәәри бас олдна. Эн саамд, умшачнр Джагдаев Виктор гидг комсомолец азд-әлә болад, 10 хонгар заргъла харгъдж, бәрәнд бәәсиг мед-цхәв.

Мана багъчудин шүвтрлгч газет „Крокодил“ улм цааранднь әрвлго, өдгә цаг күртл харгъдг дуту-дунд, алдгиг заадж, кәдлмштән оньган эс өгдг ахлачнриг шүвтр үгәр шавддж илдктхә. Тер тоот ик болн кергтә төрмүд күүцәлгънд чинртә кевәр орлцхнь—мана балгъсна цуг общественность болджана.

Л. КОШЕНКО.